



Nuuk 10. oktober 2018

UKA2018/220

Jens Napãtôk, Partii Naleraq

Uunga siunnersuut: Nappaatit tunillaassortut akiorniarlugit iliuutsit pillugit Inatsisartut peqqussutaata allangortinneqarnera pillugu Inatsisartut inatsisissaat nr. xx, xx. xxx 2018-imeersoq.

(KANUKOKA-p matuneqarnerata kingorna tunillaassortunik nappaalanersuaqarneranut ataatsimiititaliarsuarmut ilaasortanik toqqaariaatsimik allangortitsineq, kiisalu inatsisitigut pisussaaitaasut akiligassinneqartarsinnaanissaannut tunngavissamik ilanngussineq)

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Siullermeerneqarera

Nappaatit tunillaassortut akiorniarlugit iliuutsit pillugit Inatsisartut peqqussutaasa allangortinneqarnera pillugu Naalakkersuisut sinnerlugit Inatsisartut peqqussutissaattut siunnersuut Partii Naleqqamiit imatut oqaaseqqarfigissavarput.

Inatsisartut peqqussutaat 2001-imi akuersissutigineqartup maanna allanguutissaanik siunnersuummut toqqammaviuvoq KANUKOKA-P 2018-imi aasaanerani matusaanerata kingunerisaanik., tassalu Kommunit Kattuffiat (KANUKOKA) ulloq 31. juli 2018 matunerata kingorna kommunit peqatigiiffimmut ilaasortaattillit sinnerlugit Kommuneqarfiit Kattuffiat ilaasortassanik toqqaasinnaajunnaarmat aammalu isumatigiinninniarsinnaatitaanera pillugu aalajangersakkat naapertukkunnaarmata nutarterneqarnissaat pisariaqalersimammat Inatsisartut peqqussutaata allangortinneqarnissaa matumuuna naleqqussarniarlugu manna siunnersuutaavoq.

Allanguutissami siunnersuutip imarisaa pingaarneq taamaasilluni tassaavoq tunillaassortunik nappaalanersuaqarneranut ataatsimiititaliarsuarmi ilaasortassamik toqqaaneq.

Tamannalu Naalakkersuisooqatigiinniit siunnersuutigineqarpoq ilaasortassaq Inatsisartunut qinersisoqareernerani kommunit peqatigiillutik ilaasortassaq toqqartalissagaat, kommunit ataatsimoortumik toqqagassanissamut isumaqatigiissinnaappata. Tassungalu tunngatillugu Naalakkersuisut siunnersuutaat maluginiagassaavoq Naalakkersuisut siunnersuutigineqartuniit ilaasortaq toqqartalissagaat kommunit ilaasortassamik toqqaaniarnerminni isumaqatigiissinnaanngippata.

Partii Naleqqamiit isumaqarpugut Kommunit nammineq toqqaanissartik aaqjissinnaasariaqaraat Naalakkersuisuniit akuleruffigineqaratik, taammaammat Kommunit nammineersinnaassuseqarnerat ataqqilluinnarlugu qulaaniit Naalakkersuisut kommuninut naaperiaanissamut periarfissarsiortunut akulerunnermi taamatut inatsisistigut periarfissiisoqarnera pissusissamisunnngilluinnartutut isigisarput kommunit nammineersinnaanerannut akulerunnertut taarsariaqarluni. Qulaaniit aqutsiniarnersuaq kimakkiartortariaqarparput annertusaqqinnagu. Naalakkersuisut kommunit



partii naleraq

toqqaaniarnerannut sulinerannullu akuleruttussaangillat, nammineq ingerlatsinerat ataquisariaqarluinnartut ilagaat.

Inatsiarsatut peqqussutaata atuuttup naleqqussarnissaani oqaatsitit ulluttsinnut naleqqussarneqarlutik suliarineqarneri pissusissamisoorsoraarput, soorlu KANUKOKA atorunnaarnerani taarsiutissallugu kommunit peqatigiillutik toqqaasassasut aammalu § 4-mi imm 1-imi qallunaatuaani oqaatsit af Grønlands hjemmestyre ima allangortissasoq Grønlands selvstyre.

2009-imili Namminersorneq eqqunneqarpoq taamaamat tamakku qangaaniilli aaqqereersimasussaagaluartut ilanngullugit aqqinneqarnerat pissusissamisuuginnarput, inatsisit

Kapitali 1-imi ilanngunneqartoq aamma maluginiagassaavoq tusarniaanermi ilaatigut eqqarsarnartoqartillugu uparuarneqarsimasoq tassaasorlu: Siunertamut tulluussasoq ataatsimiititaliarsuup ilaasortai Nuummi najugaqarpata.

Tamanna ilaatigut Kommunit ilaanniit tikkuarneqarsimavoq kommunit suminngaaneernerat atorlugu Naalakkersuisut taamaasillutik kommunit suminngaaneernerat aallaavigalugu toqqaasoqartalersinnaanera tulluarsanorinagu apeqquersimmamassuk.

Taamaammat tamanna pillugu ataatsimiititaliami nalilersorluarneqarnissaa Partii Naleqqamiit kissaatigarput, ilumorsinnaangilarmi kommunit nammineersinnaanerat qulaaniit innerlerlugu qulaaniit aqutsiniarneq annertusarneqaaqqilissasoq

Taamatut oqaaseqarluta siunnersuutip aappassaaneerneqannginnermini ataatsimiititaliami susassaqarutmi suliarineqarnissaa Partii Naleqqamiit innersuussutigatigu.